



Broj: 01-04-2-288/2025

Sarajevo, 18.07.2025. godine

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), te člana 70. stav (3) Zakona o javnim nabavkama („Službeni glasnik BiH“, broj 39/14, 59/22 i 50/24), direktor Fonda za zaštitu okoliša Federacije BiH donosi sljedeću

O D L U K U

o izboru najpovoljnijeg ponuđača

I

Najpovoljnijem ponuđaču Imtec d.o.o. Sarajevo, broj ponude: 2703/25-2 od 27.03.2025. godine, u postupku javne nabavke kompjuterske opreme za potrebe Fonda za zaštitu okoliša Federacije BiH, dodjeljuje se ugovor o nabavci seta kompjutera sa monitorima u iznosu od 23.830,00 KM bez PDV-a.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Na osnovu Rješenja Ureda za razmatranje žalbi, Filijala/Podružnica Mostar br. JN2-03-07-1-638/25 od 30.06.2025. godine usvojena je žalba žalitelja Imtec d.o.o. Sarajevo, te je poništena Odluka o izboru najpovoljnijeg ponuđača br. 01-04-2-120/2025 od 14.04.2025. godine u odnosu na lot 1, te je predmet vraćen Ugovornom organu na ponovni postupak.

S tim u vezi, Komisija za javnu nabavku formirana Rješenjem o imenovanju komisije, broj: 01-04-2-94/2025 od 24.03.2025. godine (u daljem tekstu: Komisija) je poništila ranije okončanu e-aukciju, pristupila ponovnoj evaluaciji pristiglih ponuda za lot 1, te je obzirom na istek roka važenja ponuda dana 09.07.2025. godine putem e-maila uputila svim ponuđačima zahtjev za produženje perioda važenja ponuda za 90 dana računajući od dana 14.07.2025. godine.

Nakon pristiglih odgovora na zahtjev Komisije, ponuda ponuđača Elur d.o.o. Kiseljak, broj: 44-1/2025 od 27.03.2025. godine se nije uzela u razmatranje u daljnjem toku postupka iz razloga što ponuđač nije pristao produžiti rok važenja ponude u skladu sa članom 60. stav (3) Zakona o javnim nabavkama i tačkom 7.2.3. tenderske dokumentacije.

Nadalje, u skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da za lot 1:

- ponuda ponuđača Emado d.o.o. Sarajevo, broj: NR2403-L1/25 od 24.03.2025. godine sa ponuđenom cijenom u iznosu od 26.690,00 KM bez PDV-a i rokom isporuke od 1 dana ispunjava sve uslove tenderske dokumentacije,
- ponuda ponuđača Telnet d.o.o. Sarajevo, broj: 243-6/25 od 24.03.2025. godine sa ponuđenom cijenom u iznosu od 26.860,00 KM bez PDV-a i rokom isporuke od 30 dana ispunjava sve uslove tenderske dokumentacije,
- ponuda ponuđača Inter-com d.o.o. Zenica, broj: 067-15/25 od 26.03.2025. godine sa ponuđenom cijenom u iznosu od 25.993,00 KM bez PDV-a i rokom isporuke od 1 dana ispunjava sve uslove tenderske dokumentacije,
- ponuda ponuđača Imtec d.o.o. Sarajevo, broj: 2703/25-2 od 27.03.2025. godine sa ponuđenom cijenom u iznosu od 26.860,00 KM bez PDV-a i rokom isporuke od 29 dana ispunjava sve uslove tenderske dokumentacije,
- ponuda ponuđača R&S d.o.o. Sarajevo, broj: 10599/25 od 28.03.2025. godine sa ponuđenom cijenom u iznosu od 26.914,06 KM bez PDV-a i rokom isporuke od 90 dana ne ispunjava sve uslove tenderske dokumentacije,
- ponuda ponuđača Doper-Tech d.o.o. Kiseljak, broj: 000499-VP od 26.03.2025. godine sa ponuđenom cijenom u iznosu od 26.860,00 KM bez PDV-a i rokom isporuke od 1 dana ispunjava sve uslove tenderske dokumentacije,
- ponuda ponuđača p.r. Media Market Prijedor, broj: 57/25 od 27.03.2025. godine sa ponuđenom cijenom u iznosu od 23.409,00 KM bez PDV-a i rokom isporuke od 1 dana ispunjava sve uslove tenderske dokumentacije.

Na osnovu rezultata pregleda i ocjene ponuda za lot 1, ponuda ponuđača R&S d.o.o. Sarajevo, broj: 10599/25 od 28.03.2025. godine se odbija iz razloga što ista nije potpuna i ne ispunjava zahtjeve iz tenderske dokumentacije.

Naime, nakon izvršenog pregleda i ocjene ponude ponuđača R&S d.o.o. Sarajevo Komisija je konstatovala da je ponuđač u prethodnom pojašnjenju od 07.04.2025. godine izjavio da za lot 1 nudi računar Lenovo ThinkCentre Neo 50s G5, procesor Inter Core I3 14100 sa monitorom Lenovo D24-40 23.8 – inch VA FHD 75Hz.

S tim u vezi, Komisija je utvrdila da se ne radi o Tower / vertikalnom kućištu, odnosno da se radi o SFF kućištu (Small form factory) koje ne ispunjava tražene specifikacije.

Tačkom 3.6. tenderske dokumentacije propisano je da će se ovaj postupak javne nabavke provesti uz korištenje kriterija ekonomski najpovoljnija ponuda kao kriterija za dodjelu ugovora.

S tim u vezi daje se tabelarni pregled dostavljenih prihvatljivih početnih ponuda ponuđača za lot 1:

R.br.	Ponuđač	Cijena u KM bez PDV-a	Rok isporuke u danima
1	p.r. Media Market Prijedor	23.409,00	1
2	Inter-com d.o.o. Zenica	25.993,00	1
3	Emado d.o.o. Sarajevo	26.690,00	1
4	Doper-Tech d.o.o. Kiseljak	26.860,00	1
5	Imtec d.o.o. Sarajevo	26.860,00	29
6	Telnet d.o.o. Sarajevo	26.860,00	30

Tačkom 3.7. tenderske dokumentacije Ugovorni organ je odredio da će se nakon pregleda i ocjene ponuda provesti e-aukcija u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Nadalje, Ugovorni organ je u skladu sa uslovima tenderske dokumentacije, a nakon ocjene prihvatljivosti pristiglih ponuda, dana 22.07.2025. godine zakazao e-aukciju za lot 1 putem sistema eNabavka na web stranici www.ejn.gov.ba za dan 24.07.2025. godine u 12:00 sati.

Nakon okončane e-aukcije Ugovorni organ je dobio obavijest Agencije za javne nabavke BiH o uspješno završenoj e-aukciji za lot 1 i najpovoljnijem ponuđaču - e-aukcija uspješno završena dana 24.07.2025. godine u 12:36 sati.

S tim u vezi, daje se konačna rang lista ponuđača, te se utvrđuje slijedeći redoslijed ponuda za lot 1:

Ponuđač	Konačna cijena u KM bez PDV-a	Konačni rok isporuke u danima	Umanjenje cijene	Konačni ukupan broj bodova	Konačni rang
Imtec d.o.o. Sarajevo	23.830,00	0,40	11,28%	90,49	1
p.r. Media Market Prijedor	21.000,00	0,88	10,29%	89,09	2
Doper-Tech d.o.o. Kiseljak	21.700,00	1	19,21%	85,41	3

Inter-com d.o.o. Zenica	23.000,00	1	11,51%	81,04	4
Emado d.o.o. Sarajevo	25.500,00	1	4,46%	73,88	5
Telnet d.o.o. Sarajevo	26.860,00	30	0%	62,81	6

Nakon provedenog ponovnog postupka provjere kvalifikacije ponuđača, kao i pregleda i ocjene ponuda za lot 1, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda za lot 1 od 18.08.2025. godine koji ujedno predstavlja i Izvještaj o radu Komisije, zajedno sa Preporukom za donošenje odluke o izboru najpovoljnijeg ponuđača za lot 1 od 18.08.2025. godine.

Uzimajući u obzir rezultate provedenog postupka, odnosno činjenicu da je kriterij za izbor najpovoljnijeg ponuđača ekonomski najpovoljnija ponuda, kao najpovoljnija ponuda u predmetnom postupku javne nabavke smatra se ponuda ponuđača Imtec d.o.o. Sarajevo, te se za lot 1 - Nabavka seta kompjutera sa monitorima - ugovor dodjeljuje ponuđaču Imtec d.o.o. Sarajevo, ponuda broj: 2703/25-2 od 27.03.2025. godine sa ponuđenom konačnom ukupnom cijenom u iznosu od 23.830,00 KM bez PDV-a i konačnim rokom isporuke predmeta nabavke od 0,40 dana.

U skladu sa naprijed navedenim, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke.


Fond za zaštitu okoliša
Federacije BiH

Slađan Bevanda, direktor

Dostaviti:

1. ponuđačima (putem e-maila)
2. Samostalnom odjelu za opće poslove
3. Sektoru za finansije
4. a/a